

ԱԶԴԱՐԱՐ

ՏԵՂԵԿԱՏՈՒ ԱՌԱՋՆՈՐԴԱՐԱՆԻ ՀԱՅՈՑ ՔՈՒՇՅԹԻ ԵՒ ԵՐԶԱԿԱՅԻՑ ՀԱՅՈՑ ԹԵՄԻՆ

P.O.Box: 8157, Salmiyeh 22052- Kuwait. Tel: 965-25614392, Fax: 965-25638312, e-mail: prelacy@armenianprelacykw.org

ՆՈՐ ԵՐԶԱՆ, Ժ. Տարի, Թիւ 421, Ուրբաթ, 26 ՅՈՒՆՈՒԱՐ, 2018

ՀԱՄԱՅՆՔԱՅԻՆ

ՀԱՅԱՍՏԱՆԻ ԱՌԱՋԻՆ ՀԱՆՐԱՊԵՏՈՒԹԵԱՆ 100 ԱՄԵԱԿԻ ՀԱՅՐԱՊԵՏԱԿԱՆ ԿՈՆԴԱԿԻ ԸՆԹԵՐՑՈՒՄ

Ուրբաթ՝ 19 Յունուար 2018ին, յընթացս սուրբ ՊԱՏԱՐԱԳԻ, Քուէթի Սրբոց Վարդանանց Եկեղեցւոյ մէջ տեղի ունեցաւ Մեծի Տանն Կիլիկիոյ Գահակալ՝ Ն.Ս.Օ.Տ.Տ. Արամ Ա. Կաթողիկոսի 2018 տարուան Հայաստանի Հանրապետութեան 100 ամեակին նուիրուած Սրբալոյս Կոնդակի ընթերցումը: Սուրբ պատարագի ընթացքին Թեմիս Առաջնորդ Գերայ. Տ. Մասիս Ծ. Վրդ. Զօպունեան ընթերցեց Նորին Սրբութեան «Անկախութեան Տարուան» հայրապետական սրբատառ Կոնդակը: Հաւատացեալներու



բազմութեան կողքին, ներկայ էր նաեւ Հ.Հ. դեսպանատան Ա. Քարտուղար՝ Պրն. Լեւոն Պետրոսեանն ու ազգային մարմիններու ներկայացուցիչները: «Ուրախ լեր» շարականին երգեցողութեամբ, Վեհափառ Հայրապետին սրբատառ Կոնդակը բերուեցաւ Ս. Խորան:

28 Մայիս 1918 թուականի Առաջին հանրապետության հռչակման անդրադառնալով, Նորին Սրբութիւնը Իր խօսքին մէջ կը շեշտէ, որ «Անկախութիւնը սրբազան արժէք է ու զայն կերտողը ու պաշտպանողը ժողովուրդն է: Հետեւաբար, Հայաստանի անկախութիւնը գաղափարական ու քաղաքական մօտեցումներէ ու տարբերութիւններէ վեր պէտք է մնայ: Հայոց ցեղասպանութեան յաջորդող տարիներուն ու համաշխարհային տագնապալից պայմաններուն մէջ ստեղծուած Հայաստանի առաջին Հանրապետութիւնը համահայկական նշանակութիւն ունի: Այս ենթահողին վրայ հարկ է արժեւորել ու նշել 100-ամեակը պատմական դէպքին»:

Կոնդակի աւարտին, Վեհափառ Հայրապետը կը յորդորէ ըսելով. «Չհեռանանք հայրենի հողէն, հաւատարիմ մնանք հայրենիքի անկախութիւնը իրենց արիւնով կերտած մեր հին թէ նոր հերոսներու սրբազան կտակին. հօգօրացնենք Հայաստանը իր բանակով, տնտեսութեամբ ու միջազգային դիւանագիտական կապերով: Հայաստանի ու Արցախի պետականութեան ամրացումը ու անկախութեան ամրապնդումը հիմքն են մեր ազգային պահանջատիրութեան ու երաշխիքը՝ մեր ազգի պայծառ ապագային»:

ՑԱՒԱԿՑԱԿԱՆ ՀԱՆԴԻՊՈՒՄ ԻՐԱՆԻ ԻՍԼԱՄԱԿԱՆ ՀԱՆՐԱՊԵՏՈՒԹԵԱՆ ԴԵՍՊԱՆԱՏՈՒՆ

Հինգշաբթի՝ 18 Յունուար 2018ին, Թեմիս Առաջնորդ՝ Գերպ. Տէր Մասիս Ծ. Վրդ. Զօպուեան այցելեց Իրանի Դեսպանատուն, ցաւակցութիւն յայտնելու նախատար նաւու արկածին զոհ զացած նահատակներուն համար: Գերպ. Հայր Սուրբը իր խօսքերը բերանացի փոխանցելէ ետք նաեւ յատուկ յուշամատենին մէջ թեմիս անունով, արձանագրութիւն կատարեց: Գերպ. Հայր Սուրբին կ'ընկերանային եկեղեցույս հոգեւոր հովիւ՝ Արժ. Տէր Արտակ Ա. Քինյ. Քէհեաեանն ու Ազգային Վարչութեան ներկայացուցիչ՝ Պրն. Զարեհ Յակոբեանը:



ՆԱԴՈՐԴԱԳՐՈՒԹԻՒՆ

Սիրելի՛ Քուէյթահայեր,



Նախագահությամբ Թեմիս Առաջնորդ Գերպ. Տ. Մասիս Ծ. Վրդ. Զօպույեանի, Քուէյթի Երեսփոխանական Ժողովը խառն հանդիպում մը ունեցաւ Քուէյթի Ազգային Վարչութեան հետ Երեքշաբթի, 23 Յունուար 2018-ին: Ժողովը բարձրօրէն գնահատեց գաղութի զաւակներուն մասնակցութիւնը Սրբ. Վարդանանց Եկեղեցոյ մէջ եւ Ազգային Առաջնորդարանի սրահէն ներս փեղի ունեցող արարողութիւններուն ու փարբեր ձեռնարկներուն, ինչպէս նաեւ արժանին մատուցեց Ազգային Վարժարանի Նոգաբարձութեան եւ Ուսումնական Խորհուրդի

աշխատանքներուն, որոնք կը միարին բարեխաւել վարժարանի գիտակրթական մակարդակը:

Ժողովը անդրադարձաւ նաեւ օրեր ետք փեղի ունենալիք Քուէյթի Երեսփոխանական Ա. նստաշրջանի վերջին լիագումարին, որուն ընթացքին պիտի ներկայացուի Քուէյթի Ազգային Վարչութեան միամենայ փեղեկագիրը եւ գաղութիս ազգային ու հոգեւոր կեանքին մաս կազմող այլ մարմիններու գործունէութիւնը:

Ժողովը նաեւ լուսարձակի փակ առաւ վերջին օրերուն, Թեմէս ներս փեղի ունեցող աննախընթաց զարգացումները եւ խոր մտահոգութիւն յայտնեց անոնց առնչութեամբ:

Արդարեւ, վերջերս սպեղծուած անընդունելի մթնոլորտը գաղութիս միութիւններէն մէկուն ընկրտութեանց վաղորդայնին, վերածուած է բացայայտ պայքարի, որուն մէջ անխնայօրէն կը գործածուին համացանցի ընկերային ցանցերը՝ հայեոյսխառն ամբաստանութեանց եւ անսպոյգ քարոզչութիւն փանելու համար: Այս շարժումին պարագլուխները հաշուի չեն առած իրենց գործած եւ գործող աւերը, որ կը հարուածէ ոչ միայն Թեմի ազգային հաստատութիւնները եւ մշակութային ու մարզական միութիւնները, այլեւ պարզ մարդկային յարաբերութիւնները՝ անվերադարձօրէն: Այսօր վրանգուած են ոչ միայն փարիներու ընթացքին մեր Թեմի ժողովուրդի անլուր ջանքերով ձեռք բերուած նուաճումները, այլեւ նոյնինքն՝ Գաղութի գոյութիւնը, որպէս համապեղ ապրող, շէջող եւ գործող ազգային հաւաքականութիւն:

Վեր առնելով գաղութիս միասնականութեան ուժը, առանց որուն կարելի պիտի չլլար ապրիլ ու գոյատեւել շրջանէս ներս, Թեմիս ղեկավար մարմինները, Թեմիս բարեջան Առաջնորդին գլխաւորութեամբ, գիտակից իրենց պարասխանաբարութեան՝ հանդէպ Աստուծոյ եւ Ազգին, կոչ կ'ուղղեն մեր ժողովուրդին, փեր կանգնելու իրենց ազգային արժէքներուն եւ հաստատութեանց եւ խաղաղ երկխօսութեան ճամբով լուծելու որեւէ խնդիրի մը փուն փուտղ առկայ հարցերը, հեռու մնալով համացանցի ժխտական գործածութիւնէն:

24 Յունուար 2018
Քուէյթ

Դիւան՝
Ազգային Առաջնորդարանի

ՀԱՅԿԱԿԱՆ

Նախագահ Մերժ Սարգսեան ԵԽԽՎ-ի Մէջ Ունեցաւ Իր Պաշտօնավարութեան Վերջին Ելոյթը. «Արցախեան Տագնապը Լուծելու Ժամանակը Շատոնց Հասունցած Է»

Նախագահ Մերժ Սարգսեան Չորեքշաբթի օր Սթրասպուրկի մէջ մասնակցեցաւ Եւրոպական խորհուրդի խորհրդարանական վեհաժողովի (ԵԽԽՎ) ձևաձևային նստաշրջանի լիագումար նիստին, ուր հանդէս եկաւ ելոյթով եւ պատասխանեց խորհրդարանականները հետաքրքրող հարցումներուն:

Նախագահ Մերժ Սարգսեան իր ելոյթին ընթացքին ըսաւ. «Անցեալ անգամ պատիւ ունեցած եմ ելոյթով հանդէս գալու այս բարձր ամպիոնէն 2013-ին, երբ Հայաստանը կը նախագահէր Եւրոպական խորհուրդի նախարարներու կոմիտէն: Այդ առաքելութիւնը կարելոր էր Եւրոպական խորհուրդի ընդարձակ ընտանիքին մէջ մեր համարկումի տեսանկիւնէն: Կը կարծեմ՝ մենք այդ գործը պատուով իրականացուցինք:

25 Յունուարը այն օրն է, երբ մենք 17 տարի առաջ անդամակցեցանք Եւրոպական խորհուրդին: Երբ կ'անդամակցեինք համաեւրոպական այս կառոյցին, լիովին կը գիտակցեինք, թէ ի՞նչ ճամբայ ունինք անցնելիք: Կը գիտակցեինք նաեւ, որ ժողովրդավարութեան կառուցումն ու ամրապնդումը առանց Եւրոպական խորհուրդի կառոյցներու աջակցութեան եւ անմիջական մասնակցութեան դիւրին պիտի չըլլային»: Նախագահ Սարգսեան ըսաւ, թէ քաղաքական կամքի ու միացեալ կառուցողական աշխատանքի շնորհիւ կարելի եղաւ յաղթահարել բազմաթիւ խոչընդոտներ եւ հասնիլ խորքային բարեփոխումներու:

Նախագահ Սարգսեան յայտարարեց. «Այսօր վեհաժողովի այս դահլիճին մէջ, հպարտութեամբ կրնամ յայտարարել. մենք կատարած ենք Եւրոպական խորհուրդին առջեւ ստանձնած՝ Հայաստանի ժողովրդավարացման հիմնական յանձնառութիւնները: Ասիկա միայն մեր պնդումը չէ: Ժողովրդավարական հաստատութիւններու կայացման ուղղութեամբ մեր արձանագրած յաջողութիւնները ճանչցուած են Եւրոպական խորհուրդի համապատասխան մարմիններուն զեկուցումներով»:

Անդրադառնալով Վենետիկի յանձնաժողովին հետ Հայաստանի համագործակցութեան՝ հանրապետութեան նախագահը ըսաւ, որ փորձագիտական կարծիքի հիման վրայ լրամշակուած էր սահմանադրական բարեփոխումներու ծրարը: Աւելցնելով, թէ փոխադարձ վստահութեան մթնոլորտին մէջ արդիւնաւետ այս աշխատանքը մինչեւ այսօր կը շարունակուի՝ բարեփոխուած Սահմանադրութեան ներքեւ բազմաթիւ նոր օրէնսդրական լուծումները կեանքի կոչելու հոլովոյթով:

Նոյն ծիրին մէջ, նախագահը յայտնեց. «Մենք կարելոր կը նկատենք Մարդու իրաւունքներու եւրոպական դատարանի (ՄԻԵԴ) դերը, որուն որոշումներն ու վճիռները կարելոր նշանակութիւն կ'ունենան մեր երկրին մէջ արդարադատութեան որակի բարձրացման առումով: ՄԻԵԴ-ի որոշումներուն հիման վրայ կատարած ենք շարք մը օրէնսդրական բարեփոխումներ: Մեր այդ աշխատանքը աննկատ չ'անցնիր. ՄԻԵԴ-ի վճիռները պատշաճօրէն եւ հետեւողականօրէն կատարելու հարցով Հայաստանի Հանրապետութիւնը Եւրոպական

խորհուրդի անդամ երկիրներու յառաջատարներէն մէկն է: Հաւատացած ենք, որ մարդու իրաւունքներու պատշաճ երաշխաւորումն ու ժողովրդավարական արժէքներու ամրապնդումը չեն կրնար արդինաւէտ ըլլալ՝ առանց փտածութեան դէմ անզիջում պայքարի: Մենք լրջօրէն տրամադրուած եւ յանձնառու ենք շարունակելու մեր համակարգային եւ հետեւողական ամենօրեայ աշխատանքը՝ փտածութեան ախտը արմատախիլ ընելու ուղղութեամբ»:

Անդրադառնալով Լեոնային Ղարաբաղի տագնապի խաղաղ լուծման հարցին՝ նախագահ Սերժ Սարգսեան պատմական ներկայացում մը կատարելէ ետք ըսաւ. «Եւրոպական խորհուրդին անդամակցելէ ետք՝ Հայաստանը պարտաւորութիւն ստանձնեց նաեւ հետամուտ ըլլալու Լեոնային Ղարաբաղի տագնապը բացառապէս խաղաղ ճամբով լուծելու՝ շարունակելով այդ նպատակով գործադրել իր ազդեցութիւնը Արցախի վրայ»:

Շարունակելով իր խօսքը Արցախի տագնապին մասին՝ նախագահ Սարգսեան նշեց. «Արդարութեան պակասի եւ բնաջնջման սպառնալիքի պայմաններուն մէջ Արցախը չունի որեւէ այլ ելք, քան ինքնապաշտպանութեան դիմելը: Այստեղ եւս ես առաջին շարքերուն մէջ եղած եմ եւ ոչ մէկ վայրկեան կ'ափսոսամ ժամանակին կատարած իմ ընտրութեան համար»:

«Տագնապը լուծելու ժամանակը շատոնց հասունցած է: Անհրաժեշտ է խստագոյնս պահպանել հաստատուած զինադադարի դրութիւնը եւ կատարել նախապէս ձեռք բերուած բոլոր պայմանաւորութիւնները: Հանգուցալուծումը պէտք է ըլլայ խաղաղ եւ յաղթահարել արդարութեան պակասը: Ես այս հարցով նոյնպէս առաջին շարքերուն մէջ պիտի ըլլամ, ուր ալ գտնուիմ: Կողմերը պէտք է միասին ստանձնեն Լեոնային Ղարաբաղի տագնապի խաղաղ լուծման պատասխանատուութիւնը՝ գտնելով փոխզիջումային հանգուցալուծում»:

«ԵԱՀԿ-ի Մինսքի խմբակի համանախագահներու հովանիին ներքեւ ընթացող բանակցային հոլովոյթը այս տագնապի լուծման միջազգայնօրէն համաձայնեցուած միակ ձեւաչափն է: Այս ձեւաչափին բազմիցս իր աջակցութիւնը յայտնած է միջազգային հանրութիւնը, այդ կարգին նաեւ Եւրոպական խորհուրդը: Հայաստանի եւ Ազրպէյճանի ստանձնած յանձնառութիւնը կը պահանջէ հակամարտող բոլոր կողմերուն միացեալ ջանքերը»:

«Սակայն Ազրպէյճան ակնյայտօրէն պատրաստ չէ անոր: Ապրիլ 2016-ին Արցախի դէմ Ազրպէյճանի սանձազերծած գործողութիւնը ուղեկցուեցաւ խաղաղ բնակչութեան եւ ռազմագերիներու դէմ միջազգային մարդասիրական իրաւունքի աղաղակող խախտումներով: Ատիկա ծանր հարուած էր բանակցային հոլովոյթին, որ արթնցուց Մումկայիթի ջարդերուն մասին սուսկալի յուշերը»:

«Վեհաժողովի բոլոր անդամներուն կոչ կ'ուղղեմ զիտակցելու, թէ ի՛նչ բացասական հետեւանքներ կրնան ունենալ անզգուշ կամ կողմնակալ ձեւակերպումները Արցախի մէջ առկայ առանց այդ ալ փխրուն կայունութեան վրայ»:

«Պատերազմի մնայուն վտանգին ներքեւ Արցախը կը շարունակէ ժողովրդավարութիւն կառուցել եւ խրախուսել մարդու իրաւունքներու պաշտպանութիւնը: Այս բոլորին մէջ Հայաստանը թեւ ու թիկունք պիտի ըլլայ Արցախին, հետեւողականօրէն պիտի պաշտպանէ Արցախի շահերը եւ իրաւունքները, պիտի նպաստէ Արցախի անվտանգութեան ամրապնդման», հաստատած է նախագահ Սարգսեան:

Նախագահ Սերժ Սարգսեանը իր ելոյթին ընթացքին չըջանցեց նաեւ Եւրասիական տնտեսական միութեան (ԵՏՄ) Հայաստանի անդամակցութեան նիւթը՝ շեշտելով, որ ժամանակը ցոյց տուաւ, թէ ԵՏՄ-ին անդամակցութիւնը խոչընդոտ չէ Եւրոպական Միութեան հետ համագործակցութեան համար: Ի դէպ՝ պատասխանելով եւրոպացի պատգամաւորի հարցումին, թէ Հայաստանը ինչպէ՛ս պիտի համատեղէ ԵՏՄ-ի եւ Եւրոպական Միութեան հետ համագործակցութիւնը, նախագահ Սերժ Սարգսեան շեշտեց, թէ անոր համար շատ պարզ նախապայման կայ՝ անկեղծութիւնը:

«Պէտք է անկեղծ ըլլալ գործընկերներուն հետ, չթաքցնել բանակցութիւններու ընթացքը: Ես կը կարծեմ, որ ապագային սերտօրէն համագործակցութիւն պիտի ըլլայ Եւրասիական տնտեսական միութեան եւ Եւրոպական Միութեան միջեւ», նշեց ան:

Աւելցնենք, որ նախագահ Սերժ Սարգսեան Եւրոպական խորհուրդին մէջ խօսեցաւ նաեւ Հայաստանի՝ խորհրդարանական կառավարման անցնելու կարելորութեան մասին, վստահեցնելով, որ այդ համակարգը պիտի նպաստէ ժողովրդավարութեան զարգացման, մարդու իրաւունքներու պաշտպանութեան եւ կարելիութիւն պիտի տայ աւելի հաշուետուողական ըլլալու:

Կարապետեան Կ'ընդառաջէ Լիբանան Այցելութեան Հարիրիի Հրաւերին

Տաւոսի մէջ տեղի ունեցող Համաշխարհային տնտեսական համաժողովի շրջագիծին մէջ Հայաստանի Հանրապետութեան վարչապետ Կարէն Կարապետեան հանդիպում ունեցած է Լիբանանի վարչապետ Սաստ Հարիրիի հետ:

Այս առիթով Հայաստանի վարչապետը իր ֆէյսպուքեան էջին մէջ կատարած է հետեւեալ գրառումը. «Լիբանանի վարչապետին հետ հանդիպումը անցաւ մեր երկիրներուն բնորոշ շատ ջերմ մթնոլորտի մէջ: Քննարկեցինք մեր գործառութային կապերու զարգացման հեռանկարները: Սիրով ընդունեցի պարոն վարչապետին կողմէ Լիբանան այցելելու հրաւերը»:

Նախագահ Սարգսեան Հանդիպում Ունեցած Է Ֆրանսայի Ազգային Ժողովի Նախագահին Եւ Ֆրանսա – Հայաստան Բարեկամութեան Խումբերուն Հետ

Նախագահ Սերժ Սարգսեան Փարիզ կատարած աշխատանքային այցելութեան ծիրին մէջ հանդիպում ունեցած է Ֆրանսայի Ազգային ժողովի նախագահ Ֆրանսուա տը Ռիւժիի հետ:

Հայաստանի նախագահի աշխատակազմի հասարակութեան եւ տեղեկատուութեան միջոցներու հետ կապերու վարչութեան համաձայն, նախագահ Սարգսեան շնորհաւորած է տը Ռիւժիին այդ բարձր պաշտօնին ընտրուելու առիթով եւ մաղթած յաջողութիւն: Ան կարելոր նկատած է միջխորհրդարանական յարաբերութիւնները, որոնք լաւագոյնս կը լրացնեն միջպետական յարաբերութիւններու օրակարգը: Նախագահ Սերժ Սարգսեան դրուատանքով

խօսած է Հայաստան-Ֆրանսա միջխորհրդարանական բարեկամության խումբի գործունեության մասին՝ ուղղուած հայ-ֆրանսական կապերու ամրապնդման:

Հայաստանի նախագահը բարձր գնահատած է Հայոց ցեղասպանութեան միջազգային ճանաչման եւ դատապարտման գործին մէջ Ֆրանսայի Ազգային Ժողովի գործունեութիւնը, որ անոր համաձայն, համահունչ է Ֆրանսայի՝ մարդու իրաւունքներու յառաջամարտիկ երկրի համբաւին:

Ջրուցակիցները երկուստեք գոհունակութեամբ խօսած են նաեւ հայ-ֆրանսական սերտ համագործակցութեան մասին բազմակողմանի հարթակներու վրայ՝ միջազգային խորհրդարանական կազմակերպութիւններու շրջագիծին մէջ:

Նախագահ Սերժ Սարգսեան բարձր գնահատած է Ֆրանսայի՝ իբրեւ ԵԱՀԿ-ի Մինսքի խմբակի համանախագահող երկրի ջանքերը Լեռնային Ղարաբաղի տագնապի խաղաղ լուծման ուղղութեամբ՝ այդ ծիրին մէջ շեշտելով ֆրանսացի խորհրդարանականներու այցելութիւնները Ղարաբաղ, ինչ որ, անոր կարծիքով, անգնահատելի նպաստ կը բերէ դարաբաղեան տագնապի արդարացի լուծման գործին, կը բացայայտէ Լեռնային Ղարաբաղի վերաբերեալ Ազրպէյճանի կողմէ տարածուող կեղծիքը:

Նախագահ Սերժ Սարգսեանը եւ Ֆրանսուա տը Ռիւժին անդրադարձած են նաեւ Հայաստան - Եւրոպական Միութիւն յարաբերութիւններուն եւ շրջանակային համաձայնագիրի ստորագրութենէն ետք անոնց հետագայ զարգացման:

Հայաստանի նախագահը 23 Յունուարի երեկոյեան հանդիպում ունեցած է Ֆրանսայի Ազգային Ժողովի Ֆրանսա – Հայաստան բարեկամութեան խումբի նախագահ Ժաք Մարիլոսեանի, Ծերակոյտի Ֆրանսա – Հայաստան բարեկամութեան խումբի նախագահ Ժիլպեր – Լիւք Տրիւնագի եւ այլ պատգամաւորական խումբերու անդամներու հետ:

Հանդիպումին նախագահ Սերժ Սարգսեան եւ Ֆրանսա – Հայաստան բարեկամութեան խումբի նախագահ Ժաք Մարիլոսեան հանդէս եկած են ելոյթներով:

Արցախ. Նախագահ Սահակեան Եւ Անճէյ Քասփրչիք Հանդիպում Ունեցած Են



Արցախի Հանրապետութեան նախագահ Բակո Սահակեան 24 Յունուարին ընդունած է ԵԱՀԿ-ի գործող նախագահի անձնական ներկայացուցիչ, դեսպան Անճէյ Քասփրչիքը:

Հանդիպումին քննարկուած են Արցախի եւ Ազրպէյճանի զինուած ուժերու շփման գիծին մէջ տիրող իրավիճակին վերաբերող շարք մը հարցեր:

ՄԻՋԱԶԳԱՅԻՆ

**«Եթե Քրտական Ուժերը Շարժին Դեպի Աֆրիկ, Ապա Անոնք Այլևս Չեն Նկատուիր Մեր Գործընկերները»
Ցայտարարած Է Փենթակոնի Բանբերը**

Փենթակոնի բանբեր հազարապետ-գորավար Ռենքին Կալաուեյ յայտարարած է, որ եթե Սուրիոյ հիւսիսարեւելեան հատուածին մէջ գտնուող քրտական ուժերը յարձակին Աֆրիկի շրջանին ուղղութեամբ, ապա Ուաշինկթըն պիտի դադրի անոնց զինուորական օժանդակութիւն տրամադրել: Այս մասին կը հաղորդէ «Էրմենիհապեր» կայքը:

«Մփութնիք» լրատու գործակալութեան թրքական ծառայութիւնը կը հաղորդէ, որ Աֆրիկի դէմ Թրքական բանակի զինուորական գործողութեան սկսելէն ետք քիւրտ զինեալներուն մէկ մասը Գամիշլիի շրջանէն շարժած է դեպի Աֆրիկի շրջան, որպէսզի օգնութեան հասնի պաշարման տակ գտնուող քիւրտներուն:

Ամերիկացի պաշտօնատարը յայտարարած է, թէ իրենք ցուցմունքներ եւ օժանդակութիւն կը ցուցաբերեն քիւրտ զինեալներուն միայն ՏԱՀԵՇ-ի դէմ պայքարին մէջ, իսկ այս պարագային Միացեալ Նահանգներու եւ քիւրտ զինեալներու համագործակցութեան մասին խօսք չի կրնար ըլլալ:

«Մենք միայն կը մարզենք եւ կ'օգնենք այն ուժերուն, որոնք կը պայքարին ՏԱՀԵՇ-ի դէմ: Եթէ զինուորական գործողութիւն կատարուի ոչ թէ ՏԱՀԵՇ-ի, այլ ուրիշներու դէմ, դաշնակից ուժերը պիտի դադրեցնեն օժանդակութիւնը: Օրինակ՝ եթէ քրտական ուժերը յայտարարեն, որ ՏԱՀԵՇ-ի դէմ պայքարի փոխարէն կը շարժին դեպի Աֆրիկ՝ իրենց եղբայրներուն օգնութեան հասնելու, ապա անոնք այլևս պիտի չնկատուին մեր գործընկերները», ըսած է Փենթակոնի բանբերը:

**Աֆրիկի Գիւղերուն Դէմ Օդային Բուռն Հարուածներ.
Էրտողան. «Գործողութիւնը Պիտի Շարունակուի Մինչեւ
Ամերիկայի Աջակցութիւնը Վայելող Վերջին Ահաբեկիչին
Մաքրագործումը»**

«Մայատին» արբանեակային պատկերասփիւռի կայանը կը հաղորդէ, որ թրքական ուժերու Չորեքշաբթի օր յարձակում գործած են Աֆրիկի շրջակայքը գտնուող տասնեակներով գիւղերու դէմ եւ պատճառ դարձած քաղաքայիններու շարքերուն մէջ յաւելեալ զոհերու: Ըստ շրջանի բնակիչներուն, ներկայիս անոնք ինքնապաշտպանութենէն պիտի անցնին յարձակումի:

Քրտական ղեկավարութեամբ Սուրիոյ ժողովրդավարական ուժերը յայտարարեցին, որ Աֆրիկի հարաւ-արեւելքը գտնուող Տէյր Սմաանի մօտ սպաննած են 8 թուրք զինուորներ, իսկ թրքական ուժերը յայտարարեցին, որ սպաննած են 8 քիւրտ զինեալներ:

Սուրիոյ ժողովրդավարական ուժերու ղեկավարներէն Ռիտոր Խալիլ «Ռոյթըրզ» լրատու գործակալութեան յայտնած է, թէ քիւրտ զինեալներու կողքին ՏԱՀԵՇ-ի դէմ կռուած ամերիկացիներ, բրիտանացիներ եւ գերմանացիներ միացած են Աֆրիկի մէջ թրքական բանակին դէմ կռիւներուն:

Թուրքիոյ նախագահ Ռեճեփ Թայիփ Էրտողան յայտնեց, որ «Ձիթենիի ճիւղ» գործողութիւնը յաջողութեամբ կը շարունակուի՝ նշելով, որ թրքական ուժերն ու Սուրիական ազատ բանակի խմբաւորումները քայլ առ քայլ կը գրաւեն Աֆրիկը: Ան աւելցուց, որ թրքական բանակի գործողութիւնը պիտի շարունակուի մինչեւ Միացեալ Նահանգներու աջակցութիւնը վայելող վերջին «ահաբեկիչին» մաքրագործումը:

ՄԱԿ-ի ընդհանուր քարտուղարի բանբեր Սթեֆան Տիւժարիք յայտնեց, որ ՄԱԿ-ը «մտահոգ» է Աֆրիկի մէջ թրքական բանակի գործողութիւններով՝ Թուրքիան զգուշացնելով քաղաքայինները թիրախ դարձնելէ:

Ան նշեց, որ քաղաքային զոհեր արձանագրուած են եւ շուրջ 6 հազար անձեր տեղահանուած:

Ըստ Աֆրիկէն Քրտական Աղբիւրի Մը. Քիւրտերը Կ'ողջունեն Դամասկոսի Հետ Համաձայնութեան Մը Ծիրին Մէջ Սուրիոյ Բանակի Մուտքը Աֆրիկ



Աֆրիկէն քրտական աղբիւր մը «Մայատին» արբանեակային պատկերասփիւռի կայանին յայտնած է, որ իրենք կ'ողջունեն սուրիական կառավարութեան հետ համաձայնութեան մը ծիրին մէջ սուրիական բանակին մուտքը ամբողջ Աֆրիկի շրջան:

Աղբիւրը յայտնած է, որ քիւրտերը զենք բարձրացուցած են «ինքնապաշտպանութեան համար, եւ ոչ թէ սուրիական կազմին իբրեւ թշնամանք»՝ շեշտելով, որ քիւրտերը «չեն փորձեր

Սուրիոյ պետութենէն անջատուիլ, այլ անոնք սուրիական ազգային հասարակութեան մէկ մասն են»:

Ըստ նշեալ քրտական աղբիւրին, սուրիական բանակին Աֆրիկ մուտքին փոխարէն քիւրտերը կը պահանջեն «մաս կազմել քաղաքական հողովոյթին»: Ինչ կը վերաբերի քրտական ժողովուրդի պաշտպանութեան ջոկատներու զենքին, ապա «ստիկա պիտի վերադարձուի սուրիական պետութեան, որովհետեւ արդէն անոր կը պատկանի»:

«Քիւրտերը երբեք ամերիկեան դաշինքին մաս չեն կազմած եւ անկէ որեւէ տեսակի աջակցութիւն չեն ստացած», նշած է քրտական աղբիւրը՝ նշելով. «Անջատողական ծրագիր չունինք, այլ մեր առաւելագոյն ձգտումը հայրենիքին մէջ մեր իրաւունքներուն մէկ մասը ունենալն է»:

ԱՆԴՐԱԴԱՐՁ

**«Հայկական Երուսաղեմի Պաշտպանությունը
Համահայկական Առաջնահերթություն է». Արամ Ա.
Կաթողիկոս**

17-18 Յունուար 2018-ին Գահիրեի «Ազհար» իսլամական կեդրոնին մեջ տեղի ունեցավ միջազգային համագումար մը՝ «Ի պաշտպանություն Երուսաղեմին» ընդհանուր խորագիրով: Համագումարին հրաւիրուած էր իր խօսքը ուղղելու Մեծի Տանն Կիլիկիոյ Արամ Ա. կաթողիկոս: Վեհափառ հայրապետը ներկայ գտնուեցաւ համագումարին՝ իրեն հետ ունենալով Թեհրանի հայոց թեմի առաջնորդ Սեպուհ արք. Սարգիսեանը եւ կաթողիկոսարանի տեղեկատուական բաժանմունքի վարիչ Պետրոս վրդ. Մանուէլեանը: Նկատի ունենալով յիշեալ համագումարին կարեւորութիւնը՝ «ՀԱՄԿ» պաշտօնաթերթը յատուկ հարցազրոյց մը ունեցաւ նորին սրբութեան հետ՝ անհրաժեշտ տեղեկութիւնները փոխանցելու մեր ժողովուրդի զաւակներուն:

ՀԱՐՅՈՒՄ.- Վեհափառ տէր, ի՞նչ էր նպատակը Երուսաղեմի հարցին շուրջ Գահիրեի մեջ օրեր առաջ տեղի ունեցած միջազգային համագումարին:

ՊԱՏԱՍԽԱՆ.- Երուսաղեմը միաստուածեան երեք կրօններու՝ հրեւոյեան, քրիստոնէոյեան ու իսլամոյեան համար սուրբ քաղաք նկատուած է: Հակառակ այն իրողութեան, որ Երուսաղեմը քաղաքական զանազան ուժերու ենթակայ եղած է պատմութեան ընթացքին, սակայն ան կրօնական նկարագիրը միշտ պահած է: Իսրայէլի ստեղծումէն ետք, Երուսաղեմը բաժնուեցաւ եւ ենթակայ դարձաւ իսրայէլեան ու յորդանանեան պետութեանց: Քրիստոնէաներն ու իսլամները մնացին յորդանանեան բաժնին մէջ. իսկ 1967-ին, արաբ-իսրայէլեան պատերազմին, Երուսաղեմի յորդանանեան բաժինը գրաւուեցաւ Իսրայէլի կողմէ, եւ Երուսաղեմը ամբողջութեամբ մնաց Իսրայէլի սահմաններէն ներս: Երուսաղեմի պատկանելիութեան հարցը նկատուած է միջազգային համայնքին ու յատկապէս Միջին Արեւելքի կարեւոր խնդիրներէն մէկը: Իսրայէլ միշտ շեշտած է Երուսաղեմի՝ Իսրայէլի պատկանելիութիւնը, իսկ պաղեստինցիները՝ ստեղծուելիք պաղեստինեան պետութեան պատկանելիութիւնը. երկու կողմերն ալ Երուսաղեմը նկատած են իրենց պետութեան մայրաքաղաքը: Նկատի ունենալով Երուսաղեմի ներկայացուցած առանցքային կարեւորութիւնը՝ անոր պատկանելիութեան վերջնական որոշումը ձգուած է պաղեստինեան ու իսրայէլեան խաղաղութեան բանակցութիւններուն: Արդարեւ, վերջին քանի մը տասնամեակներուն բանակցութիւններու ընթացքին քննարկուած է Երուսաղեմի հարցը, սակայն կողմերու ունեցած տարբեր պատկերացումներուն միջեւ կարելի չէ եղած միջին լուծում մը գտնել: Ամերիկայի նախագահին շուրջ ամիս մը առաջ կատարած յայտարարութիւնը՝ Երուսաղեմը նկատելու Իսրայէլի մայրաքաղաք, բնականաբար մեծ ուրախութեամբ ողջունուեցաւ Իսրայէլի կողմէ, սակայն սուր հակազդեցութիւն յառաջացուց թէ՛ քրիստոնէական եւ թէ՛ իսլամական աշխարհէն ներս: Բողոքի ու դատապարտումի ալիքներ բարձրացան կրօնական եւ քաղաքական, իսլամ թէ քրիստոնէայ շրջանակներէն: «Ազհար»-ին նախաձեռնութիւնը պէտք է դիտուի այս խորքին վրայ:

Հ.- Ինչո՞ւ «Ազհար»-ի կողմէ եղած է նման նախաձեռնութիւն մը:

Պ.- Ինչպես ըսինք, թե՛ քրիստոնեական եւ թե՛ իսլամական կեղրոնները զօրեղ կերպով հակազդեցին Ամերիկայի նախագահին այս որոշման: Քրիստոնեական աշխարհին մէջ Վատիկանը, Եկեղեցիներու համաշխարհային խորհուրդը, Միջին Արեւելքի եկեղեցիներու խորհուրդը, եկեղեցիներ, նաեւ արեւմտեան երկիրներու պատասխանատուներ դատապարտեցին Միացեալ Նահանգներու նախագահին միակողմանի որոշումը: Նոյն մօտեցումը ունեցան նաեւ իսլամական երկիրները: «Ազհար»-ը նկատուած է կարեւոր կեղրոն մը սիննի իսլամական աշխարհին մէջ՝ իր կրօնական համալսարանով եւ կրօնաքաղաքական խնդիրներու վերաբերեալ իր որդեգրած կեցուածքներով: Հետեւաբար բնական էր, որ ան նման նախաձեռնութեան դիմէր:

Հ.- Վեհափա՛ն տէր, կրնա՞ք որոշ տեղեկութիւններ տալ մասնակիցներուն մասին:

Պ.- Շուրջ երեք հարիւր մասնակիցներ ներկայ էին համագումարին: Մասնակիցներու կարգին կը գտնուէին՝ նախկին նախագահներ, վարչապետներ, գործող նախարարներ, հոգեւոր պետեր, միջազգային կազմակերպութիւններու վերին պատասխանատուներ, ինչպէս նաեւ՝ ակադեմական մարզի աչքառու ներկայացուցիչներ: Ներկաներուն մեծամասնութիւնը իսլամ երկիրներէ եկած էր. քրիստոնեական ներկայութիւնը յարաբերաբար ծաւալուն չէր: Երեք պատրիարքներ եւ տասնեակ մը եպիսկոպոսներ ներկայ էին, ինչպէս նաեւ՝ Վատիկանի ու Եկեղեցիներու համաշխարհային խորհուրդի ներկայացուցիչները: Ըստ երեւոյթին, յատուկ հրաւիրեալներ միայն ներկայ էին: Իսլամական աշխարհէն շիիներու ներկայութիւնը խորհրդանշական էր, առաւելաբար՝ քաղաքական պատճառներով: Հրաւիրուած էին Երուսաղէմի իսլամ ու քրիստոնեայ հոգեւոր պետերը: Իսլամ կրօնական պատասխանատուներ ներկայ էին, սակայն քրիստոնեայ հոգեւոր պետեր բացակայ էին: Երուսաղէմէն եկած էին հրեայ օրթոտոքս խումբին պատկանող կրօնական ներկայացուցիչներ, որոնք խիստ քննադատութեան ենթարկեցին իսրայէլեան ներկայ իշխանութեան որդեգրած քաղաքականութիւնը պաղեստինցիներուն նկատմամբ:

Հ.- Վեհափա՛ն տէր, համագումարի ընթացքին տրուած զեկոյցներն ու կատարուած քննարկումները ի՞նչ ձեւով ընթացան:

Պ.- Երկու օրերու վրայ տարածուած համագումարը երկու բաժիններէ բաղկացած էր: Առաջին բաժինը բացման նիստ էր, որուն ընթացքին յաջորդաբար խօսք առին՝ Պաղեստինի նախագահ Մահմուտ Ապպաս, «Ազհար»-ի նախագահ շէյխ Ահմատ Թայեպ, Վատիկանի ու ԵՂԽ-ի ներկայացուցիչները եւ իսլամ քանի մը պետութիւններու խորհուրդներու նախագահները: Համագումարին երկրորդ բաժինը բաղկացած էր չորս ենթաբաժիններէ, իւրաքանչիւրը՝ Երուսաղէմի տարբեր երեսները լուսարձակի տակ բերող: Քննարկումներ տեղի չունեցան, այլ միայն զեկոյցներ ներկայացուցան: Համագումարը կը վայելէր Եգիպտոսի եւ Պաղեստինի նախագահներուն հովանաւորութիւնը:

Հ.- Վեհափա՛ն տէր, ի՞նչ մօտեցում որդեգրուեցաւ Երուսաղէմի գծով:

Պ.- Համագումարին նպատակը Երուսաղէմի պաշտպանութիւնը ըլլալով ընդդէմ Իսրայէլի քաղաքականութեան ու Ամերիկայի նախագահին յայտարարութեան, բոլոր խօսքերը բնականաբար կեղրոնացան Երուսաղէմի վրայ՝ զայն նկատելով երեք միաստուածեան կրօններու քաղաքը, ինչպէս նաեւ՝ պաղեստինեան պետութեան մայրաքաղաքը: Կարեւորութեամբ կ'ուզենք յայտնել, որ արտասանուած խօսքերն ու մօտեցումները ընդհանրապէս երկդիմի, միակողմանի ու անորոշ էին: Այսպէս, երբեմն միացեալ Երուսաղէմը կը նկատուէր պաղեստինեան մայրաքաղաք, երբեմն՝ միայն

արեւելեան Երուսաղէմը. իսկ երբեմն միացեալ Երուսաղէմի վրայ իսրայէլեան եւ պաղեստինեան միացեալ հովանաւորութեան մասին կը խօսուէր: Իսկ կրօնական գետնի վրայ յատուկ կերպով կը շեշտուէր Երուսաղէմի քրիստոնէական, իսլամական ու արաբական նկարագիրը: Նաեւ տեսակէտներու տարբերութիւն կար Երուսաղէմ այցելութեան հարցին շուրջ. այսպէս, Պաղեստինի նախագահը յաճախակի կերպով շեշտեց, որ անհրաժեշտ է Երուսաղէմ այցելել եւ ուխտագնացութիւններ կազմակերպել՝ պատգամ մը տալու Իսրայէլին եւ համայն աշխարհին, թէ Երուսաղէմը միայն Իսրայէլին չի պատկանիր, եւ թէ՛ Միացեալ Նահանգներու նախագահին վերջին որոշումը մեզ հեռու չի կրնար պահել Երուսաղէմէն: Ներկաներէն ումանց մօտ նաեւ կար այլ մօտեցում. հարկ է կեցուածք ճշդել Երուսաղէմը Իսրայէլի մայրաքաղաք նկատող բոլոր փորձերում դէմ՝ մերժելով Երուսաղէմ երթալ: Այս շփոթը, աւելի ճիշդը՝ հակասական տեսակէտները հետեւանք են ընդհանրապէս իսլամական ու յատկապէս արաբական աշխարհին պարզած ներքին պառակտումներուն ու բաժանումներուն:

Հ.- Վեհափա՛ն տէր, որքանո՞ւմ զօրեղ էր քրիստոնէութեան ձայնը համագումարէն ներս:


Պ.- Ճիշդ է, որ թուային իմաստով քրիստոնէայ ներկայացուցիչները քիչ էին, սակայն քրիստոնէական ձայնը զօրեղ կերպով արձագանգեց համագումարի բոլոր նիստերուն: Նախ երեք հոգեւոր պետերը՝ դպտի, մարոնի եւ մենք, մեր խօսքերուն մէջ շեշտակիօրէն անդրադարձանք Երուսաղէմի քրիստոնէական նկարագիրին, քրիստոնէութեան ներկայութեան եւ իրաւունքներուն: Այս գծով նաեւ յաճախակի ակնարկութիւններ եղան իսլամներուն կողմէ՝ Պաղեստինի նախագահէն սկսեալ: Մեր գեկոյցին մէջ բաժին մը յատկացուցած էինք Երուսաղէմէն ներս քրիստոնէական ներկայութեան: Կը խորհինք, որ այս ուղղութեամբ աւելի հետեւողական ու ծրագրուած աշխատանք պէտք է կատարուի քրիստոնէական կեդրոններուն ու յատկապէս Վատիկանի, ԵՃԽ-ի եւ միջեկեղեցական կառոյցներու կողմէ: Յայտնենք, որ մեր մատնանշած հարցերուն ու երեւոյթներուն մասին նաեւ անդրադարձանք մեր ունեցած հանդիպումներուն ընթացքին:

Հ.- Վեհափա՛ն տէր, իմացանք, որ դուք ձեր խօսքին մէջ նաեւ անդրադարձած էք հայ եկեղեցոյ ներկայութեան՝ Երուսաղէմի մէջ:

Պ.- Բնականաբար, մեր եկեղեցոյ մասին պէտք էր արտայայտուէինք նման միջազգային համագումարէն ներս: Մեր մասնակցութեան առաջին ու հիմնական նպատակը այս էր: Չմոռնանք, որ մեր եկեղեցին 638 թուականէն սկսեալ ներկայութիւն եղած է Երուսաղէմէն ներս. ունեցած ենք եպիսկոպոս, եկեղեցիներ ու ուխտատեղիներ, ինչպէս նաեւ՝ համայնք: 1311-ին Երուսաղէմի հայոց եպիսկոպոսը Եգիպտոսի սուլթանին կողմէ ճանչցուած է որպէս պատրիարք, իսկ 1853-ին Օսմանեան կայսրութիւնը յոյն եւ լատին պատրիարքութիւններու կարգին Հայ եկեղեցոյ նաեւ լայն իրաւասութիւն տուած է սրբատեղիներու գծով: Երուսաղէմի մէջ ունեցած ենք կազմակերպ համայնք՝ իր կրթական, մշակութային ու համայնքային կառոյցներով: Դժբախտաբար, քաղաքական պայմաններու բերումով մեր համայնքի զաւակներէն շատեր հեռացան Երուսաղէմէն: Համագումարի մեր խօսքին մէջ կարեւորութեամբ շեշտեցինք Երուսաղէմին նաեւ հայկական նկարագիրը, մեր իրաւունքները եւ մեր ժողովուրդին ամուր կապուածութիւնը Երուսաղէմին:

Հ.- Մեր ժողովուրդն ու եկեղեցին, Վեհափա՛ն տէր, ինչպէ՞ս կրնան Երուսաղէմի գծով իրենց զօրակցութիւնը գործնապէս արտայայտել:

Պ.- Ինչպես գիտեք, Երուսաղեմը մեր նուիրապետական չորս աթոռներին մէկն է. ան Հայ եկեղեցւոյ անքակտելի մասը կը կազմէ: Մեր եկեղեցին ազգային եկեղեցի ըլլալով՝ մեր ազգը իր եկեղեցիով ու հայրենիքով անհրաժեշտ է, որ յատուկ հոգածութիւն շարունակէ ցուցաբերել Երուսաղեմի հայոց պատրիարքութեան նկատմամբ: Քաղաքական պայմաններու բերումով Երուսաղեմը որոշ իմաստով մեկուսացած է: Ստեղծուած ներկայ կացութիւնը կրնայ նոր դժուարութիւններ յառաջացնել քաղաքէն ու ընդհանրապէս շրջանէն ներս: Հետեւաբար հայկական Երուսաղեմի պաշտպանութիւնը պէտք է դառնայ



համահայկական առաջնահերթութիւն: Զանազան առիթներով թէ՛ Ամենայն Հայոց կաթողիկոսութիւնը, թէ՛ Մեծի Տանն Կիլիկիոյ կաթողիկոսութիւնը եւ թէ՛ Հայաստանի պետութիւնը տարբեր կերպերով իրենց աջակցութիւնը ցուցաբերած են Երուսաղեմի պատրիարքութեան: Մեծապէս գնահատելի է, հակառակ դժուարութիւններուն, Երուսաղեմի պատրիարքութեան ամուր կապուածութիւնը ու հաւատարմութիւնը մեր սրբատեղիներու առնչուած դարաւոր ասանդութիւններուն ու իրաւունքներուն: Արդ, հարկ է պաշտպանել ու առաւել ամրապնդել հայկական ներկայութիւնը Երուսաղեմէն ներս: Կրօնականին առընթեր, հայկական ներկայութիւնը Երուսաղեմէն ներս քաղաքական որոշակի նշանակութիւն ունի: Երուսաղեմի մէջ գտնուող եկեղեցիներէն իւրաքանչիւրը պետական-քաղաքական յենարաններ ունի. այսպէս, լատին պատրիարքութիւնը՝ Վատիկանը, յոյն պատրիարքութիւնը՝ Յունաստանը եւ Կիպրոսը, ղպտի եկեղեցին՝ Եգիպտոսը, լուտերական եկեղեցին՝ Գերմանիան, անկլիքան եկեղեցին՝ Անգլիան, ռուս եկեղեցին՝ Ռուսիան: Անհրաժեշտութեան պարագային այս երկիրները կը միջամտեն Իսրայէլի, Պաղեստինի կամ Յորդանանի պատասխանատուներուն մօտ: Յիշեալ երկիրները պէտք է գիտնան, որ Երուսաղեմի հայոց պատրիարքութիւնը առանձին չէ, իրեն նեցուկ ու պաշտպան ունի Հայաստանի պետութիւնը, Հայ եկեղեցին ու ողջ սփիւռքը: Անհրաժեշտ է, հետեւաբար, որ Երուսաղեմի պատրիարքութիւնը իր համայնքով, իր կառոյցներով, կալուածներով ու իրաւասութիւններով պաշտպանելու նպատակով համահայկական տարողութեամբ մնայուն յանձնախումբ մը յառաջացնել՝ Հայաստանի պետութեան եւ մեր եկեղեցւոյ ու կազմակերպութիւններու մասնակցութեամբ, բնականաբար՝ Երուսաղեմի պատրիարքին հետ խորհրդակցաբար: Նման նախաձեռնութիւն մը կարելոր յենարան ու լծակ կրնայ հանդիսանալ Երուսաղեմի պատրիարքութեան՝ դուրս գալու իր ինքնամփոփ վիճակէն եւ աւելի ինքնավստահութեամբ յարաբերութիւն մշակելու իր շրջապատին հետ: Կը խորհինք, որ յառաջիկային ստեղծուելիք համազգային խորհուրդը պէտք է նման համահայկական բնոյթ ունեցող հարցերով զբաղի:

ԼՈՒՐԵՐ ԳԱՂՈՒԹՆԵՐԷՆ

Յունաստանի Մէջ Հայաստանի Դեսպանին Այցելութիւնը Ազգային Առաջնորդարան

11 Յունուարին Յունաստանի մէջ Հայաստանի դեսպան Ֆադէյ Չարչոյլեան ամանորեան շնորհաւորական այցելութիւն մը տուաւ Ազգային առաջնորդարան եւ հանդիպում ունեցաւ Յունաստանի հայոց թեմի առաջնորդ Գեղամ արք. Խաչերեանին հետ:

Ընդունելութեան ներկայ էր Ազգային վարչութեան ատենապետ Պօղոս Չոլաքեանը: Շնորհաւորական բարեմաղթութեանց կարգին, այցելութիւնը նաեւ առիթ եղաւ խորհրդակցելու ընթացիկ տարուան մէջ կայանալիք համահայկական ծրագիրներու եւ աշխատանքներու մասին, որոնց շուրջ անհրաժեշտ է համախմբուած պահել յունահայ համայնքին կարողականութիւնը եւ աշխուժ մասնակցութեամբ սատար հանդիսանալ այդ բոլոր ծրագիրներուն յաջողութեան:

«Գալուստ Կիւլպէնկեան» Հիմնարկութեան Հայկական Համայնքներու Բաժանմունքի Տնօրէնին Այցելութիւնը Ազգային Առաջնորդարան



12 Յունուարին, թեմի առաջնորդ Մուշեղ արք. Մարտիրոսեանը Ազգային առաջնորդարանին մէջ ընդունեց «Գալուստ Կիւլպէնկեան» հիմնարկութեան հայկական համայնքներու բաժանմունքի տնօրէն դոկտ. Ռազմիկ Փանոսեանին այցելութիւնը:

Հանդիպումին ներկայ էին՝ առաջնորդական փոխանորդ Թորգոմ ծ. վրդ. Տօնոյեանը, Ազգային վարչութեան անդամ դոկտ. Գալուստ Ակոբեանը, Խնամակալ մարմինի ու Ազգային առաջնորդարանի Հայերէնի վերաշխուժացման մարմինի անդամ

դոկտ. Յասմիկ Պարանը եւ Հայերէնի վերաշխուժացման մարմինի անդամ Ժորա Մանուչարեանը:

Դոկտ. Փանոսեան Լոս Անճելըս կը գտնուէր «Կիւլպէնկեան» հիմնարկութեան նախաձեռնութեամբ կազմակերպուած եռօրեայ գիտաժողովի մը առիթով, որուն նպատակն էր հայկական վարժարաններու տնօրէններուն ծանօթացնել հայերէնի դասաւանդութիւնը աւելի յաջող դարձնելու միջոցները: Առաջնորդ սրբազանը վեր առաւ «Գալուստ Կիւլպէնկեան» հիմնարկութեան կարելոր ներդրումը՝ ընդհանրապէս հայ կրթական մարզի զարգացման եւ հայոց լեզուի պահպանութեան ճիգերուն մէջ: Ան մօտէն ծանօթացուց Ազգային առաջնորդարանի հրատարակութիւնները, որոնք կ'ընդգրկեն հայերէնի, հայոց պատմութեան ու Հայ դատի դասագիրքերը, հոգեւոր ու մշակութային հաստորներ, ապա նաեւ անդրադարձաւ՝ Հայերէնի վերաշխուժացման մարմինին կազմութեան տուն տուող մտահոգութիւններուն, մարմինին տարած աշխատանքին ու մշակած ծրագիրներուն:

Իր կարգին դոկտ. Փանոսեան շնորհակալութիւն յայտնեց առաջնորդ սրբազանին՝ հանդիպումը կազմակերպելուն համար եւ իր պատրաստակամութիւնը յայտնեց սատար հանդիսանալու կրթական եւ հայոց լեզուի պահպանութեան համար Ազգային առաջնորդարանի ծրագիրներուն:

Շուրջ մէկ ժամ տեւած հանդիպումին ներկաները ունեցան կարծիքներու փոխանակման եւ կարգ մը ծրագիրներու իրականացման մէջ նախնական համաձայնութիւններու կայացման:

ՄԱՀԱԵՄ-ի նախագահը Կը Պարգևատրէ Վեր. Համայնքապետ Յարութիւն Սելիմեանը



Ուրբաթ, 12 Յունուար 2018-ին, գլխաւորութեամբ վեր. Մկրտիչ Գարակէօզեանի (ՄԱՀԱԵՄ-ի նախագահ) եւ վեր. դոկտ. Փոլ Հայտոսեանի (ՄԱՀԱԵՄ-ի Կեդրոնական մարմինի ատենապետ) միութեան Կեդրոնական մարմինի անդամները ժամանեցին Հալէպ՝ գումարելու լիանիստ ժողովը՝ առաջին անգամ Հալէպի մէջ, Սուրիոյ պատերազմի վեց տարիներու ընդհատումէն ետք:

Վեր. նախագահը եւ Կեդրոնական մարմինի անդամները հանդիպում ունեցան Հալէպի Հայ աւետարանական եկեղեցիներու ժողովներուն եւ եկեղեցական մարմիններուն հետ:

Հանդիպումի աւարտին միութեան նախագահը՝ ՄԱՀԱԵՄ-ի եւ Կեդրոնական մարմինին անունով բարձր գնահատեց եւ շնորհաւորեց վեր. համայնքապետ Յարութիւն Սելիմեանը՝ Սուրիոյ հայ համայնքէն եւ յատկապէս՝ եկեղեցական եւ ընկերային ոլորտներէն ներս իր մատուցած նուիրական ծառայութեան ու նպատակադրուած ձեռքբերումներուն համար, որոնք կը միտէին եկեղեցական միութեան եւ քրիստոնէական ապրող վկայութեան: Ան իր խօսքին մէջ նշեց. «Խաչին լուծը ծանր եւ պատասխանատուութիւն է կրողին համար, սակայն միաժամանակ քաղցր է»:

Իր խօսքի աւարտին վեր. նախագահը վերապատուելի Յարութիւն Սելիմեանին լամբակը զարդարեց ոսկեայ խաչով:

Այս պատեհ առիթով վերապատուելի Յարութիւն Սելիմեանը ըսաւ. «Աստուծմէ կը գոհանամ սուրիահայ ժողովուրդին, Հայ աւետարանական համայնքին գործօն առկայութեան եւ ՄԱՀԱ եկեղեցիներու միութեան ողջմիտ առաջնորդութեան համար եւ կը խոստանամ, իմ պարտականութեանս գիտակից, շարունակել հաւատարիմ ծառայութիւն մատուցել սուրիահայութեան ընդհանրապէս եւ Սուրիոյ Հայ աւետարանական եկեղեցիներուն ու հաստատութիւններուն ի մասնաւորի, Աստուծոյ հովանիին ու առաջնորդութեան ներքէն»: Ապա ան բարձր գնահատեց ու շնորհակալ եղաւ միութեան նախագահին սոյն գնահատանքին ի տես եւ մաղթեց Տիրոջը առաջնորդութիւնն ու շնորհքը բոլորին համար:

www.aztarar.com

ԱՅԼԱԶԱՆ

Չոր Միրգերու Հազար Ու Մէկ Բարիքները

Տօնական օրերը անցան, սակայն շատերու տուներէն անպակաս են ընկուզեղէնն ու չոր միրգերը: Մի՛ անտեսէք զանոնք. փոխադրեցէք ներկայանալի ամանի մը մէջ եւ դրէք ձեր խոհանոցի սեղանին վրայ, օրական 2-3 հատ չոր միրգ կերէք եւ օգտուեցէք անոնց անհամար բարիքներէն:



Գիտենք, որ պտուղները չորցուելու միջոցին կը կորսնցնեն իրենց պարունակած ջուրին 70 առ հարիւրը՝ դառնալով ջերմութիւն հարուստ, քան՝ թարմ պտուղները:

Չոր պտուղները հարուստ են բնաթելերով, հանքային նիւթերով, կը պարունակեն փոթասիտ եւ մակնեղիում՝ 3-6 անգամ աւելի, քան՝ թարմ պտուղները: Չոր պտուղները հարուստ են Պէ. խումբի կենսասնիւթերով՝ ի տարբերութիւն թարմ պտուղներու որոնք հարուստ են Սէ. կենսասնիւթով:

Ծիրանի եւ սալորի չիրերը ոչ միայն կը բարձրացնեն տրամադրութիւնը, այլ կը մաքրեն աղիքները: Սեւ սալորաչիրը յայտնի է որպէս աղիքներու գործունէութիւնը խթանող միջոց: Այդ նպատակով նախընտրելի է առաւօտեան ուտել երեկոյեան ջուրի մէջ թրջուած սալորաչիրերը: Արեւի տակ չորցուած սեւ սալորաչիրը նախընտրելի է ծծումբով չորցուածէն, քանի որ անիկա ստամոքսին մէջ խմորում չի յառաջացներ:

Ծիրանի չիրը հարուստ է պեթաքարթենով, կը մաքրէ աղիքները, անիկա կը պարունակէ 5 անգամ աւելի փոթասիտ, քան՝ թարմ ծիրանը: Ծիրանաչիրը նպաստելով շնչառութեան բարելաւման՝ կը զօրացնէ թոքերը, պարունակած մակնեղիումին եւ ֆոսֆորին շնորհիւ՝ կը բարելաւէ յիշողութիւնը, ուղեղի եւ սիրտի աշխատանքը: Քաղցկեղի բուժման գուրգահեռ, խորհուրդ կը տրուի ամէն օր ուտել նախորդ իրիկուրնէ թրջուած 20 հատ չիր:

Թուզի չիրը արժէքաւոր սնունդ է, մանաւանդ՝ ընկոյզին կողքին: Հազը բուժելու համար եռացնել 3-4 չոր թուզը մէկ գաւաթ կաթով եւ տաք վիճակով խմել: Չոր թուզով պատրաստուած թէյը ունի քրտնեցնելու եւ ջերմութիւնը իջեցնելու յատկութիւն:



www.kantsasar.com